

742 Der heiden truog êt starkiu lit.
 swenner schrite Thabronit
 – dâ diu küneginne Secundille was
 vor der montâne ze Koukesas –,
 5 sô gewan er niwen hōhen muot
 gein dem, der ie was behuot
 vor solhem strītes überlast.
 er was schumpfentiure ein gast,
 daz er si nie gedolte,
 10 doch si maneger zim erholte.
 Mit kunst si die arme erswungen,
 viwers blicke ûz helmen sprungen,
 von ir swerten gienc der sūre wint.
 got ner dâ Gahmuretes kint.
 15 der wunsch wirt in beiden,
 dem getouften unt dem heiden;
 Die nante ich ê vür einen.
 sus begunden siz ouch meinen,
 wæren si ein ander baz bekant,
 20 sine sazten niht sô hôhiu pfant.
 Ir strît galt niht mēre
 wan vreude, sælde und êre.
 swer dâ den prīs gewinnet,
 ob der triwe minnet,
 25 werltliche vreude er hât verlorn
 unt immer herzen riwe erkorn.
 Wes sūmestû dich, Parzival,
 daz dû an die kiuschen lieht gemâl
 niht denkest – ich meine dîn wîp –,
 30 wiltû behalten hie den lîp?

êt *om.* *G *T
 sw. sch. Tabrunit, *G (*T)
 daz der künigîn *G (*T)
 von der m. (Vor dem montane in Z) Kausakas, *G · von der m. in K., *T
 er niht wan h. *T

 vor solhes st. (von solhem strite I) ü. *G · von soliches st. ü. (vberkraft U) *T

 si (die L) *om.* *G *T
 ↓*G *T
 a. swungen ([twûgen]: twungen L), *G
 ûz den (*om.* Z) h. drungen, *T (Z)

 got genere dâ *T
 daz wunschen w. *G (*ohne I*) *T

 ich ie vür *G (*nur G*)
 ou. vereinen, *T
 w. si (Warensz L) ê ein a. (ein ander I [L] ein ander e Z) b., *G

 oder der *T

 ↓*G · iht gedenkest – *T

*D: D *m: m V *G: G I L Z Fr24 (742.1–17 und 25–30) *T: U

1 Initiale D m V G I L Z Fr24 11 Majuskel D 15 Initiale I 17 Majuskel D 21 Majuskel D 27 Initiale m V U · Majuskel D

3 diu] de D 5 sô] dô *m (*nur m*) (Fr24) 6 der ie] der ê (er ie V) *m 10 doch si maniges zimierde (mazineges mire I manger von im L maniges amîe Fr24) holte (erholte Fr24).
 *G · doch sich maneger zuo im dâ (*om.* Z) erholte. *T (Z) · erholte] holt *m 18 siz ouch meinen] siz noch meinen ([*ch*ein]: sîz öch meinen V) *m 19 bekant] erkant *m 25
 werltliche] welch (Wech m Wertlich V) *m 29 iht gedenkest, an (ich mein Z) dîn wîp, *G · denkest] gedenkest *m (*nur m*)